



Identifikasaun, planeamentu no prosedimentu selesaun projetu PNDS nian (DM N.19/2024, 6 Marsu)

Ministru Administrasaun Estatal liu husi despaxu loka Prosedimentu Identifikasaun, planeamentu no selesaun ba projetu infrastrutura ki'ik kolektiva sira ne'ebé finansia husi PNDS no defini kalendáriu.

1



2

Xefe Aldeia Konvoka reuniaun obrigatoriu Assembleia Aldeia nian iha semana dahaat fulan Feveiru hodi identifika proposta kandidaturas projetu PNDS rua (2), ida (1) ba interesse jeral no ida (1) katak mai husi grupo feto sira. Assembleia Aldeia aprova proposta kandidaturas projetu PNDS ho votu maioria. Minutas/ata reuniaun Assembleia Aldeia nian no dokumentus relevante, inklui proposta kandidaturas projetu PNDS haruka ba Xefe Suku no Estrutura Suku PNDS.

3



4

To'o loron ikus iha semana dahuluk fulan Marsu nian, Estrutura Suku PNDS haruka dokumentus kandidaturas propostas projetu PNDS, Kosellu Suku mak aprova, ba respetivu Servisu Lokal Planeamentu no Desenvolvimentu Administrasaun Postu Administrativu.

5



6

To'o loron ikus iha semana daruak fulan Marsu, Administrador Postu Administrativu konvoka Assembleia Postu Administrativu atu fo pareser kona ba informasaun husi Servisu Lokal Planeamentu no Desenvolvimentu kona ba kandidaturas propostas projetu PNDS. Informasaun ne'e ho ninia possiveis alterasoens aprova ho votu maioria. Ata Assembleia, pareser no dokumentus relevante sira hotu, Administrador Postu haruka ba Diretor Servisu Munispál PNDS nian.

7



8

To'o loron ikus semana datolu fulan Marsu nian, PAM konvoka Konsellu Konsultivu Munispál atu diskute informasaun hosi Servisu Munispál PNDS. Informasaun ne'e ho ninia possiveis alterasoens aprova ho votu maioria. PAM apresenta ata Konsellu Konsultivu Munispál, pareser no dokumentus relevante sira hotu iha Konsellu Koordinasaun Munispál.

9



10

Sekretariadu Tekniku PNDS nian simu, analiza no elabora informasaun bazeia iha dokumentus ne'ebé simu husi PAM sira, no verifika katak kandidaturas projetus PNDS alinha ho Menu Indikativu PNDS nian, fo benefisiu ba ba desenvolvimento suku, alinha ho planeamentu desenvolvimento munispál no nasional, ho PDIM no impaktu projetus ne'ebé aprova iha orsamentu husi despeza. Informasaun tenke inklui lista kompletu projetu sira ne'ebé aprova atu hetan finansiametu husi PNDS. Informasaun ne'e haruka ba Ministru Administrasaun Estatal.

11



12

Ministru Administrasaun Estatal autoriza selebrasaun kontratu konsesaun subvensaun publika atu ezejuta projetu PNDS nian, maibé nia mos bele delega PAM sira atu asina.

a Xefe Suku Konvoka reuniaun Konselhu Suku nian to'o loron ikus iha semana dahuluk fulan Marsu hodi diskuti proposta projetu PNDS. Konselhu Suku diskute no aprova ho votu maioria kandidaturas proposta projetu PNDS. Minutas/ata enkontru no dokumentus relevante, inklui proposta projetu PNDS haruka ba Estrutura Suku PNDS nian no mos Administrador Postu Administrativu.

b Estrutura Suku PNDS elabora proposta kandidaturas projetu PNDS ne'ebé Assembleia Aldeia mak propoen no estimativa ba kustu proposta sira.

Servisu Lokal Planeamentu no Desenvolvimentu Postu Administrativu ida idak konsolida iha dokumentu ida dei't kandidaturas proposta projetu PNDS husi suku hotu-hotu hosi area Postu Administrativu nian, elabora informasaun kona ba kontribuisaun proposta projetu PNDS ba desenvolvimento suku no alineamento propostas ne'e ho opsoens planeamentu desenvolvimento komunitáriu no desenvolvimento munispál iha area Postu Administrativu nian. Xefe Servisu Lokal Planeamentu no Desenvolvimentu haruka ba Administrador Postu Administrativu.

Servisu Munispál PNDS nian konsolida propostas projetu PNDS husi Postu Administrativu hotu-hotu hosi Autoridade Munispál nian no verifika katak kandidaturas projetus PNDS alinha ho Menu Indikativu PNDS nian, fo benefisiu ba desenvolvimento suku, alinha ho projetu PDIM nian no planeamentu nasional. Diretor Servisu Munispál PNDS nian haruka ba Presidente Autoridade Munispál.

To'o loron ikus semana dahaat fulan Marsu nian PAM konvoka Konsellu Koordinasaun Munispál. Konsellu Koordinasaun Munispál aprova propostas projetu PNDS. Aprovasaun bele halo ba projetu ida-idak ka hamutuk ba projetu hotu-hotu. Projeitu aprova ho votu maioria. PAM haruka ata aprovasaun husi Konsellu Kordenasaun Munispál, pareser, dokumentus relevante no deliberaoens sira hotu Sekretariu Ezejutivu PNDS nian.

Ministru Administrasaun Estatal bele determina inklusaun projetu adisionál iha lista projetu sira ne'ebé aprova. Projeitu adisionál sira tenke iha objetivu konstrusaun, rehabilitasaun, reparasaun, konservasaun ka manutensaun ba infraestutura ki'ik ne'ebé importante ba comunidade lokal sira.